



## Saksprotokoll

---

**Organ:** Fylkesutvalet

**Møtedato:** 02.03.2016

---

**Sak nr.:** 16/2482-2

**Internt l.nr.:** 8318/16

**Sak:** 18/16

**Tittel:** Samanslåing av Sogn tingrett og Fjordane tingrett - fråsegn frå fylkesutvalet

**Behandling:**

**Dette gir følgjande endeleg vedtak:**

Sorenskrivar i Sogn og Fjordane tingrettar, Terje Mowatt, og førstelagmann i Gulating lagmannsrett, Magni Elsheim, orienterte fylkesutvalet 02.03.16 om arbeidet med å avklare om det er lokal semje om å etablere ein fylkesdomstol i Sogn og Fjordane.

Fylkesutvalet støttar planane om å slå saman Sogn tingrett og Fjordane tingrett til Sogn og Fjordane tingrett med hovudkontor i Førde. Fylkesutvalet legg til grunn at ei samanslåing totalt sett vil innebere ei fagleg styrking av dei to noverande domstolane og at det også er naudsynt for at domstolen skal bli stor nok til å kome med i domstolane sitt digitaliseringsprogram.

Realisering av dei digitale løysingane vil gje betre tenester for brukarane og meir effektive arbeidsmåtar ved domstolane. Fylkesutvalet ser det som positivt om den samanslegne tingretten i fylket alt i denne omgang kan bli prioritert for digitalisering

Det er ein føresetnad for fylkesutvalet at aktiviteten på Nordfjordeid vert oppretthalden og at Sogndal vert oppretthalden som rettsstad og med bemanna kontor, slik at det rettssøkjande publikum også framover får tilgang til dei tenestene og det tilbodet som eksisterer ved Sogn tingrett i dag.